

**Namminersornerullutik Oqartussat kommuunillu inissiaataannik attartortittakkanik  
inissiatut imaluunniit illutut nammineq pigisatut tigusisarneq pillugu Inatsisartut  
peqqussutaata allanngortinneqarnera pillugu Inatsisartut inatsisaat**  
(Inissianik attartortittakkanik pigisatut inissianngortitsineq, kaaviaartitsinissamut inerteqqut,  
piffissaq sioqqullugu taarsigassarsianik akiliineq il. il.)

## **Ineqarnermut Attaveqaasersuutinullu Naalakkersuisumit**

### **pillugu**

### **Sanaartornermut Ataatsimiititaliap**

### **Siunnersuutip aappassaaneerpeqarneranut**

### **ISUMALIUTISSIISSUTAA**

Sanaartornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Juliane Enoksen, Inuit Ataqatigiit, Siulittaasoq  
Inatsisartunut ilaasortaq Jens Napãtøk, siulittaasup tullia  
Inatsisartunut ilaasortaq Adam Kristensen, Inuit Ataqatigiit  
Inatsisartunut ilaasortaq Jens Kristian Therkelsen, Siumut  
Inatsisartunut ilaasortaq Lars Poulsen, Siumut

UKA 15. Oktober 2024-imi ulloq siullermeerinninnerup kingorna ataatsimiititaliap siunnersuut misissorpaa.

### **Siunnersuutip imarisaa siunertaalu**

Allannguutissatut siunnersuut Ineqarnermut Attaveqaasersuutinullu Naalakkersuisoqarfiup ineqarnermut imikkoortumut inissianik aningaasalersueriaatsinik nalilersuinera tunngavigalugu suliarineqarpoq. Nalilersuineq inatsisit misissorneqarnerannik kommunillu aamma naalakkersuisoqarfiit namminneq misilittagaat ingerlatsinerminnillu nalilersuinerannik tunngaveqarpoq.

Nalilersuinerit taakkua tunngavigalugit allannguutissat tulliuttut suliarineqarput:

- Aalajangersakkami Naalakkersuisut imaluunniit kommunalbestyrelsip nammineq suliniuteqarnermikkut pisortat inissiaataannik attartortittakkanik inissiatut nammineq

pigisanngortitsisinaanerannik periarfissiivoq. Inissiat nammineq pigisatut allanngortinneqartut tamatuma kingorna attartortooersunut tuniniarneqassapput.

- Pisortat inissiaataannik tunisineq aallaaviatigut niuernermi nalinganut naapertuuttumik pisinermi akianut tunineqassaaq, taamaattorli inissiap inittussusaanut m<sup>2</sup>-imut minnerpaamik 7.000 kr.-neqassaaq.
- Attartortup ukiunik attartorsimanera tunngavigalugu tunisinermi akimik maannakkut appaasarneq tunisinermi akit 20 %-imik appartinneqarnissaanik allanngortinneqarnissaa siunnersuutigineqarpoq.
- Najugaqarfinni illuummik qularnaveeqqusiilluni aningaasalersuisinnaanngiffiusuni pisinermi akip 50%-iinik pisortanit taarsigassarsinissaq periarfissanngortinneqarpoq. Taamaalilluni pisinermi akit nikingassutaannut qularnaveeqqusiissummut uppersaatip 30%-ianik, akip 50%-ianut pisortat taarsigassarsianik aamma aningaasateqarfimmiit taarsersugassarsinnermit 20%-ii pisineq aningaasalersorneqarsinnaassaaq.
- Inuusunnerusunut piserngaartunut periarfissat pitsaanerusut pilersinniarlugit inuusuttut 30-it ataallugit ukiullit inissaateqariinngitsut attartortut assigalugit atugaqartinnissaat siunnersuutigineqarpoq. Taamaalillutik inuusuttut 30-it ataallugit ukiullit attartortut inissianik attartukkanik allanngortinneqarsimasunik pisisunut piunarsaatit assigalugit akikillisaaffigineqarlutillu aningaasalersuisoqarnissaanik pissarsisinnaassapput.
- Taarsigassarsiat siuliani taaneqartut allanngortinnissaannut imaluunniit illuutit allatut pingaarnersiuffiginissaanut ilaasumik taarsigassarsiarititaasimasut pillugit pisortani oqartussaasup ataqqinninnermut nalunaaruteqartarnissaanut pinnaatitaaffiliisoqarnissaanut aalajangersaasoqarpoq aamma inissiap ilaata akiitsoqarfiunngitsup qularnaveeqqusiunneranut atasumik.

Siunnersuummi immikkoortuni pingaarnermi pisortat inissiaataat attartortittakkat inissiatut nammineq pigisatut allanngortinnissaannut Naalakkersuisut imaluunniit kommunillu, nammineq suliniuteqarnikkut, aalajangiisinaanngortillugit, nutaamik malittarisassaliortoqarnissaa siunnersuutigineqarpoq attartortup ukiunik attartorsimanera tunngavigalugu tunisinermi akimik maannakkut appaasarneq nalinginnaasumik procentinngorlugu appaasarnermut allanngortinneqassasoq, najukkani illuummik qularnaveeqqusiilluni taarsigassarsiamik pissarsiffiusinnaanngitsuni pisinermi akip 50%-ianut pisortat taarsigassarsisitsisinaanissaq periarfissanngussasoq, inuusuttullu 30-it ataallugit ukiullit suli inigisaminnik piginnittunngorsimannngitsut, attartortut atugaannut assigiissillugit, taamaaliornikkut inissiamik attartukkaminnik nammineq piginnittunngornissamut periarfissaat pitsanngorsarneqassapput.

Allannguutit 1. Januar 2025-mi atuutilissapput.

**Siunnersuutip Inatsisartunit siullermeerneqarnera**

Immikkoortoq matumani pineqartoq partiinit naalackersuisuutitaqartunit taparserneqarpoq. Innutaasulli namminneq inissiassaminnik pilersorsinnaanissaminnik periarfissaqartinneqartariaqartut oqallinnermi partiinit tamanit isumaqatigilluarneqarpoq.

Siunnersuutip siullermeerneqarnerani Namminersorlutik Oqartussat inissiaataannik aserfallassimasunik iluarsartuussinissamut pilersaarutaata aningaasalersorneqarnissaa annertuumik oqallisigineqarpoq. Inissiat iluarsartuunnissaanut qanoq kikkullu akiliisuussanersut isumaqatigiinngissutaavoq.

Inissiat iluarsartuuttariaqarnerat amerlanernit isumaqatigineqarpoq partiinillu amerlanernit siunnersuut ataatsimiititaliamit suliarineqarnissaa innersuussutigineqarpoq.

Siunnersuut ataatsimut isigalugu taparserneqarpoq immikkoortorlu ataatsimiititaliamit suliarineqartussanngortinneqarpoq.

**Tusarniaanermut akissutit**

Siunnersuut tusarniaaneq piffissami 17.08.2024-miit 14.09.2024-mut ingerlanneqarpoq. Naalackersuisut siunnersuut tusarniaassutigineqarmat tusarniaanermut akissutini tiguneqartuni oqaatigineqartut siunnersuummut ilannguppai oqaaseqaatinilu ilanngullugit.

Naalackersuisut tusarniaanermut akissutigineqartut tunngavigalugit inatsisissatut siunnersuummut allannguutissaqanngillat. Tusarniaanermut akissuteqartunit inatsisissatut siunnersuut ajunngitsumik tiguneqarpoq.

Inuussutissarsiornermut, Niuernermet, Inatsiseqarnermut Naligiissitaanermullu Naalackersuisoqarfik tusarniaanermut akissutimini allappoq Air bnb inuussutissarsiummik aalajangersimasumut ingerlatsinermet taaguutaanngitsoq, imaamat inissianik attartortut/inissianik pigisaqartut sulinnigiffeqartillutik angalanerminni takornarianut inissiaatiminnik imaluunniit ineeqqamik ataatsimik attartortitsisinnaasut. Inissiap annerusumik najugaqarfittut suli atorpoq taamaammallu pingaarnertut inuussutissarsiorfittut atorneqarnani. Tassunga Naalackersuisut akissuteqarnermini allappoq, inissiat pisortanit taarsigassarsiffigineqartut taamaallaat piginnittumut taassumalu inoqutigiivinut najugassatut aalajangersimasumillu najugaqarfittut atorneqarsinnaammata.

INI A/S-p Namminersorlutik Oqartussat aamma kommunit inissiat allanngortinneqartut qanoq sukkatigisumik tuniniassaneraat ernumassutigaa, naatsorsuutigineqarpoq, aallaqqaammut Naalackersuisut naatsorsuutigaat, siullermik illuut ataaseq inissiatut nammineq pigisatut allanngortinneqassasoq, inissiallu tuniniarneqarlutik. Tamanna misilittagaqarnermik kinguneqassaaq, ajornartorsiutaasullu attuumassuteqartut qulaajarneqassallutik, soorluttaaq inissiat nammineq pigisanngortitat attartortinneqartut aquunneqarnissaat aaqqissuunneqassasoq.

**Ineqarnermut Attaveqasersuutinullu Naalackersuisumik ilisimatitseqatigiiffiusumik ataatsimiinneq**

Immikkoortup ataatsimiititaliamik suliarineqarneranut atatillugu Ineqarnermut Attaveqasersuutinullu Naalackersuisoqarfiup ataatsimiititaliaq 18. oktober 2024-mi ilisimatitseqatigiiffiusumik ataatsimiinnissamut qinnuigisimavai. Ineqarnermut Attaveqasersuutinullu Naalackersuisoqarfimmit ilisimatitseqatigiiffiusumik ataatsimiinnissamut aggersaassut isumaliutissiisummut uunga ilanngussat 1-tut ilanngunneqarpoq.

**Pisortanut aningaasaqarnikkut allaffissornikkullu kingunerisassai**

Siunnersuutip piviusunngortinnerani aningaasatigut kingunerisassai siunnersuutip nalinginnaasunik oqaaseqaatini allaaserineqarput. Siunnersuut inuussutissarsiutinik ingerlataqartunut aningaasatigut allaffissornikkullu sunniuteqassanngitsoq nalilerneqarpoq siunnersuullu avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

Taamatuttaaq Namminersorlutik Oqartussat kommunillu inissiaataasa attartortakkat inissianut nammineq pigisanut allanngortinnerini kingornalu taakku tunineqarnerini inissianut attartortittakkanut aningaasaatinit iluanaarutinit isertittakkat annikillinerannik malitseqartussaassaaq. Inissiap attartukkap nammineq pigisatut tigusissaanut periarfissamik attartortut qassit atuerusussanersut siumoorlugu ilisimaneqanngimmat, aningaasaatinit iluanaarutinit isertitat allanngornerisa missiliornissaat nalorninarpoq.

Aammattaq allassimavoq, inissiat nammineq pigisat allanngortinnerinut tunineqarnerinullu atasumik ataasiartumik aningaasartuutit arlaliussasut. Taamaamat Namminersorlutik Oqartussat kommunillu piginnittut peqatigiiffiannik pilersitsinermut, malittarisassat suliarinerinut illumilu inissianut nammineq pigisanut agguarnerinut aningaasartuutinik akiliissapput. Naliliisoqarpoq illumut ataatsimut allanngortinneqartumut aningaasartuutit 50-100.000 kr.-nik annertussuseqassasut. Aningaasartuutit allat allaffissornermullu aningaasartuutit oqaaseqaatini allaaserineqarput taakkualu ataatsimiititaliamit innersuussutigineqarput.

Siunnersuut innuttaasunut allaffissornikkut sunniuteqassanngitsoq nalilerneqarpoq.

Naalackersuisut kommunillu inissianik attartortunut innuttaasunullu allanut inissiamik piginnittunngornissaannik neqerooffiginnissinnaanissaannut annertunerusumik siunnersuut periarfissiissaaq.

Ataqqinninnermik tulleriiaarinermullu uppernarsaammik Naalackersuisut kommunalbestyrelsillu nalunaaruteqarsinnaanerit pillugu siunnersuut inissianik attartortittakkanik allanngortinneqarsimasunik pisortanit taarsigassarsinikkut taarsigassarsinernut tamarmiusunut ingerlaavartumik tulluarsaanissamut pitsaanerulersitsinissamullu innuttaasunut periarfissiissaaq.

**Naalakkersuisunut allakkatigut apeqqutit**

Ataatsimiititaliaq siunnersuutip ataatsimiititaliami suliarineqarneranut atatillugu fremsendt immikkoortunut 43, 44, 45 aamma 46-mut ataatsimut Ineqarnermut Attaveqaasersuutinullu Naalakkersuisumut apeqquteqarpoq. Ataatsimiititaliap apeqqutai Naalakkersuisullu akissuteqaataat isumaliutissiisummut ilanngussat 2-itut ilanngunneqarput.

Immikkoortoq una pineqartoq pillugu ataatsimiititaliaq malitseqartitsisumik Naalakkersuisumut apeqquteqarpoq apeqqutit akissutillu ilanngussat 3-tut ilanngunneqarput.

**Ataatsimiititaliap siunnersuummik suliarinninera**

Aallaqqaatitut oqaatigineqassaaq siunnersuutip innuttaasunut inuiaqatigiinnullu kingunerisassai nalinginnaasut pillugit uummaarissumik oqallittoqarnera ataatsimiititaliamit maluginiarneqarmat. Inatsisissatut siunnersuut inissianik iluarsartuusseqqinnissap ilagigaa ataatsimullu isigalugu Namminersorlutik Oqartussat inissiaataannik ikilisaanerussammat innuttaasullu namminneq inissianik pilersornissaanik annertunerusumik periarfissaqalersitsinissaanut tapertaanera aammattaaq ataatsimiititaliamit eqqumaffigineqarpoq. Pisortat inissiaataat attartortittakkat inissiatut nammineq pigisatut allanngortinnissaannut Naalakkersuisut imaluunniit kommunit, nammineq suliniuteqarnikkut, aalajangiisinnaangortinneqarnerat nutaartaavoq.

Ataatsimiititaliaq Ineqarnermut Attaveqaasersuutinullu Naalakkersuisumik ataatsimeeqateqarnermini aaqqissussaq attartortumiit piginnittuunermit tunngasuteqartunik paasissutissanik tigusaqarpoq. Inatsisissatut siunnersuummit takuneqarsinnaavoq attartortut innuttaasullu pisortat inissiaataannik pisinissaannik periarfissaat allannguinnermit pitsanngorsarneqarmat. Immikkut ataatsimiititaliamit maluginiarneqarpoq najukkani illuummik qularnaveeqqusiilluni taarsigassarsiamik pissarsinissamik periarfissaqanngitsuni, pisinermi akip 50%-ianut pisortat taarsigassarsisoqarnissaanik periarfissiisoqassasoq. Siullermeerlutik pisisartunut inuusuttunut inissianik niuerfinnut aamma ajornannginnerusumik periarfissaqalersussaapput.

Pisortat inissiaataannik tunisinermut inissiap initussusaanut kvadrat meterimut akia minnerpaamik 7.000 kr.- mut inissinneqarsimanera oqallisigineqangaatsiarnera ataatsimiititaliamit maluginiarneqarpoq. Ilanngussaq 1-mit takuneqarsinnaavoq, akip minnerpaaffissaanut peqqutit tassaammata illoqarfiit anginerusut avataanni inissianik nammineq pigisanik allanngortitsineq, inissiat nammineq pigisat piviusumik pisiarinerini akiinit appasinnerullutik akeqarsinnaaneri. Naalakkersuisulli Aningaasaqarnermut Akileraartarnermullu Ataatsimiititaliamit allakkatigut akuersissuteqarfigineqarnermikkut inissiat attartortittakkat niuernerminingalinga kvadrat meterimullu 7.000 kr.nit ataallugu neqeroortitsinnaapput inissianillu pigisanik tuniniaallutik.

Namminersorlutik Oqartussat inissiaataannik iluarsartuusinnermut immikkoortutut ilaasoq Naalakkersuisut atortussani allassimammata naggataatigut ataatsimiititaliamit oqaatigineqassaaq.

Taanna kingusinnerusukkut naalakkersuinikkut sulinermi isumaqatigiissuteqarnermilu pissaaq.

#### **Ataatsimiititaliap inassutai**

- Ataatsimiititaliami amerlanerussuteqartut Inuit Ataqatigiit Siumullu ilaasortaataaasa siunnersuutip akuerineqarnissaa inassutigaa

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.

---

Juliane Enoksen  
Siulittaasoq

---

Jens Napâtôk'  
Siulittaasup tullia

---

Adam Kristensen

---

Jens Kristian Therkelsen

---

Lars Poulsen